

Porsche Leasing d.o.o.
Trg međunarodnog prijateljstva br. 24
71000 Sarajevo

Sarajevo, 06.04.2020. godine
Broj: 153/20

Uprava Društva na osnovu čl. 339. Zakona o privrednim društvima ("Sl. Novine FBiH", br. 81/2015), Odluke o privremenim mjerama koje lizing društva i mikrokreditne organizacije primjenjuju za ublažavanje nepovoljnih ekonomskih posljedica uzrokovanih pojavom virusnog oboljenja „COVID-19“ („Sl. Novine FBiH“, br. 22/2020) i čl. 35 Statuta Društva dana 06.04.2020. godine objavljuje sljedeću:

PONUĐU
za primjenu „Grace“ perioda od 3 mjeseca
u otplati obaveza iz zaključenih ugovora o finansijskom lizingu

PORSCHE LEASING D.O.O. ovom Ponudom pruža mogućnost određenim svojim korisnicima usluge finansijskog lizinga (fizičkim i pravnim licima) da, uz ostvarenje uslova iz ove Ponude, u cilju ublažavanja negativnih ekonomskih posljedica uzrokovanih epidemijom virusnog oboljenja „COVID-19“, koriste „Grace“ period za otplatu mjesečnih anuiteta u skladu sa planom otplate u periodu od 3 mjeseca od dana prihvatanja ove Ponude uz produženje ugovorenog roka otplate po ugovorima o finansijskom lizingu za dodatna 3 mjeseca.

Davalac lizinga će vršiti analizu kreditnog rizika koji se odnosi na Korisnike lizinga koji izvrše prihvatanje Ponude, te ukoliko procjeni da je primjena „Grace“ perioda opravdana i da su ispunjeni uslovi za odobravanje ove mjere, o tome će obavijestiti Korisnika lizinga od kog momenta počinje primjena ove mjere. Davalac lizinga zadržava pravo da od Korisnika lizinga zatraži dodatne informacije i dokumentaciju u cilju procjene opravdanosti mjere.

U slučaju da korisnik leasinga ima neplaćenih obaveza koje su dospjele prije proglašenja stanja prirodne i druge nesreće na teritoriji Bosne i Hercegovine, Društvo će korisniku na njegov zahtjev za ove već dospjele obaveze odobriti moratorij do ukidanja ovog stanja u cilju sprovođenja pregovora o zaključenju Sporazuma o plaćanju dospjelih obaveza kojim će se utvrditi primjereni modalitet izmirenja ovih obaveza.

Naglašavamo da ova Ponuda ima pravno dejstvo samo pod uslovom da se na osnovu informacija dostavljenih od strane Korisnika lizinga procjeni da je kreditna sposobnost Korisnika lizinga pogoršana, odnosno da su izvori Korisnika lizinga za otplatu smanjeni i time je onemogućeno ili će biti onemogućeno izmirivanje obaveza Davaocu lizinga, a ukoliko je to posljedica negativnog uticaja epidemije virusnog oboljenja „COVID-19“.

Korisnik lizinga je oslobođen bilo kakvih dodatnih troškova povodom prihvatanja ove Ponude. Obavještenje o prihvatanju Ponude koje Korisnik lizinga šalje na e-mail adresu info@porscheleasing.ba sadrži:

- Podatke o Korisniku lizinga (ime i prezime / naziv)
- Broj ugovora o finansijskom lizingu za koji se prihvata „Grace period“
- Obrazloženje pogoršane kreditne situacije Korisnika lizinga

Ponuda se smatra dostavljenom svim Korisnicima lizinga danom objave na internet stranici Društva (06.04.2020. godine) ili danom dostave Korisniku lizinga na njegovu mail adresu.

Ukoliko Korisnik lizinga želi da iskoristi pravo iz stava 1, dužan je da elektronskim putem na e-mail adresu info@porscheleasing.ba Društvu dostavi obavještenje da prihvata Ponudu, odnosno izuzetno i pisanim putem na adresu sjedišta Društva ako nije u mogućnosti da to učini elektronskim putem. Prihvat Ponude elektronskim putem privremenog je karaktera, te je Korisnik lizinga u obavezi da u momentu sticanja uslova, nakon prestanka epidemije, pristupi u prostorije Davaoca lizinga radi zaključivanja aneksa ugovora o finansijskom lizingu.

Prilog ove Ponude predstavlja i reprezentativni primjer koji daje više informacija o praktičnoj primjeni mjera u skladu sa Odlukom Agencije za bankarstvo FBiH.

Ukoliko imate bilo kakvih pitanja, kontaktirajte nas: info@porscheleasing.ba.

Za Porsche Leasing d.o.o.

Uprava Društva